



Skýrsla stjórnar um starfsárið 2025-2026

Lögð fram á ársfundi 21. maí 2026

Inngangur

Á ársfundi 15. maí 2025 var kosið í stjórn og fulltrúaráð AkureyrarAkademíunnar en samkvæmt skipulagsskrá kýs ársfundur sjö manna fulltrúaráð, þar af þrjú í stjórn til eins árs í senn, úr hópi skráðra fulltrúa.

Stjórn 2025-2026:

- Sigurgeir Guðjónsson, formaður
- Þórhallur S. Bjarnason, gjaldkeri
- Þorgerður Anna Björnsdóttir, ritari

Fulltrúaráð 2025-2026:

- Arna Dögg Arnardóttir
- Bryndís Fjóla Pétursdóttir
- Gunnar Árnason
- Jón Örn Pálsson

Aðalheiður Steingrimsdóttir sem hefur verið framkvæmdastjóri í hlutastarfi frá árinu 2020 tilkynnti stjórn í ágúst 2025 að hún hefði ákveðið að hætta störfum vorið 2026. Auglýst var eftir umsóknum um 50% starf framkvæmdastjóra í mars 2026 með ráðningu frá 1. maí 2026 og bárust níu umsóknir. Sá umsækjandi sem stjórn hafði boðið starfið hætti við af persónulegum ástæðum. Stjórn ákvað að bíða með að auglýsa aftur þar til haustið 2026 og samþykkti Aðalheiður að gegna áfram starfi framkvæmdastjóra þar til nýr hefði verið ráðinn.

Stjórnin hefur haldið 13 stjórnarfundum á starfsárinu. Aðrir fulltrúar í fulltrúaráði hafa einnig setið fundina þegar þeir hafa haft tæk á.

Stjórn AkAk þakkar öllum sem komið hafa að starfseminni á starfsárinu fyrir þeirra framlag og ánægjulegt samstarf.

Akureyri 20. maí 2026

F.h. stjórnar

Sigurgeir Guðjónsson, formaður

Skýrsla stjórnar um starfsárið 2025-2026

Skýrslan skiptist í fjóra kafla með hliðsjón af stefnu AkAk sem samþykkt var á ársfundi 2021.

1. Fjármál og rekstur
2. Aðstaða og faglegt starf
3. Miðlun upplýsinga
4. Ytra samstarf

1. Fjármál og rekstur

Markmið stefnu AkAk um fjármál og rekstur er að tryggja öryggi í fjármálum og stöðugleika í rekstri.

Fyrsti samstarfssamningur AkAk við mennta- og menningarmálaráðuneytið um rekstrarframlag á fjárlögum var gerður árið 2015 og með honum var lagður grunnur að stöðugleika í rekstri og starfsemi. Samningurinn gildi út árið 2017 og eftir það hafa verið gerðir árlegir viðaukar. Frá árinu 2022 hefur AkAk fallið undir málefnasvið háskóla-, iðnaðar- og nýsköpunarráðuneytis, eins og önnur þekkingarsetur í landinu og háskólar. Heiti ráðuneytisins var breytt í menningar-, nýsköpunar- og háskólaráðuneyti þegar núverandi ríkisstjórn tók við eftir Alþingiskosningar í nóvember 2024. Óli Halldórsson er núverandi tengiliður ráðuneytisins við AkAk. Eftir að núverandi ríkisstjórn tók við hafa stjórn og framkvæmdastjóri sett sig í samband við menningar-, nýsköpunar- og háskólaráðherra, aðstoðarmenn hans og starfsmenn ráðuneytisins, með formlegum og óformlegum hætti, til að þrýsta á að ráðuneytið gerði samstarfssamning við AkAk til þriggja ára. Ráðherra er jákvæður gagnvart nýjum samningi og samkvæmt nýjustu upplýsingum úr ráðuneytinu má telja að nýr samningur sé í burðarliðnum.

Ársreikningur AkAk fyrir árið 2025 sýnir jafnvægi í fjármálum og rekstri. Rekstrartekjur eru 15.4 m.kr., þar af eru opinber framlög 11.6 m.kr., tekjur af útleigu á vinnuástöðu 3.6 m.kr., og aðrar rekstrartekjur kr. 132.000. Rekstrargjöld eru 11.4 m.kr., þar af er verkefnakostnaður kr. 946.000, laun og launatengd gjöld 4.1 m.kr., rekstur fasteignar 2.6 m.kr., annar rekstrarkostnaður 2.7 m.kr., og afskriftir kr. 997.000. Rekstrarafkoma ársins 2025 er jákvæð um 2.2 m.kr.

Upphæð fasteignalánsins sem var tekið til að kaupa húsnæði AkAk í Sunnuhlíð 12 í ársbyrjun 2020 er 20.250 m.kr. Mánaðarleg afborgun þann 1. maí sl. var kr. 208.796 kr., þar af vextir kr. 164.930. Eftirstöðvar af láninu voru þá 17.3 m.kr. Afborganir af láninu eru ekki baggi á rekstri AkAk.

2. Aðstaða og faglegt starf

Markmið stefnu AkAk um aðstöðu og faglegt starf er að bjóða einstaklingum upp á góða aðstöðu og þjónustu til að vinna að hugðarefnum sínum og að efla samveru og þverfaglegt samstarf á vettvangi AkAk.

Húsnæði, aðstaða, þjónusta og innanhússtarf

Í húsnæði AkAk eru vinnupláss fyrir 12 einstaklinga hverju sinni. Að auki leigir bókhaldsþjónustan Dill ehf. rými í húsnæðinu og þar starfa tveir starfsmenn.

Alls var 21 einstaklingur með vinnuaðstöðu hjá AkAk á starfsárinu 2025 – 2026, til lengri eða skemmri tíma: Arsen Nedovis, Ármann Örn Sigursteinsson, Ásta Einarsdóttir, Benedikt Sigurðarson, Bryndís Fjóra Pétursdóttir, Dagur Tómas Ásgeirsson, Fayrouz Nouh, Gunnar Árnason, Helga A. Erlingsdóttir, Jón Örn Pálsson, Margrét Guðmundsdóttir, Martina Huhtamäki, Pétur Guðjónsson, Pétur Björgvin Þorsteinsson, Rannveig Karlsdóttir, Rán Þórarinsdóttir, Sigurgeir Guðjónsson, Skafti Ingimarsson, Steingrímur Karlsson, Þorgerður Anna Björnsdóttir og Þórhallur S. Bjarnason.

Til samanburðar voru 27 einstaklingar með vinnuaðstöðu hjá AkAk á starfsárinu 2023-2024, 18 á starfsárinu 2022-2023 og 16 á starfsárinu 2021-2022. Skýringin á því að fleiri einstaklingar voru með vinnuaðstöðu á starfsárinu 2023-2024 en hin árin er að þá voru fleiri í stuttan tíma hjá AkAk og því hægt að bjóða fleirum vinnupláss.

Eins og áður hefur innanhúsfolk unnið að fjölbreyttum viðfangsefnum: rannsóknum, lokaverkefnum í háskólanámi, þróunarverkefnum, óstaðbundnum verkefnum, frumkvöðlaverkefnum, margvíslegum ritstörfum, kennslu, og stundað nám við innlenda og erlenda háskóla.

Einn liður í stefnu AkAk er að leggja fyrir árlegar kannanir meðal þeirra sem leigja þar vinnuaðstöðu þar sem spurt er um viðhorf til aðstöðu og þjónustu hjá stofnuninni og var fyrsta könnunin lögð fyrir vorið 2022. Markmiðið er að greina starfsemina og að nýta niðurstöður til að bæta hana. Niðurstöður kannana hafa sýnt almenna ánægju með aðstöðu og þjónustu hjá AkAk og þar hafa einnig komið fram gagnlegar ábendingar um á hvaða sviðum þurfi að skerpa á áherslum, og þá einkanlega varðandi ýmis konar búnað.

Löng hefð er fyrir félagslegri samveru og ýmsu samstarfi innanhúsfolks, eins og tiltektardögum, súpufundum, vorferðum og jólaboðum. Á súpufundum hittist fólk í hádeginu og segir frá verkefnum sínum og rætt er um það sem er á döfni í starfsemi AkAk.

Haustmisseri 2025

- Tiltektardagur var haldinn 28. maí og lagað til í húsnæðinu eftir veturinn.
- Farið var í vorferð 6. júní í Mývatnssveitina. Fyrst var Gígur heimsóttur, gestastofa Vatnajökulsþjóðgarðs á Skútustöðum. Því næst var gestastofan í Kröflu skoðuð, farið í gönguferð um Höfða og kvöldmatur borðaður á Sel hóteli á Skútustöðum og síðan keyrt heim.
- Laugardaginn 29. ágúst var opið hús í tilefni af Akureyrarvöku og bæjarbúum boðið að koma í heimsókn til að kynna sér starfsemina og þiggja léttar veitingar.
- Innanhúsfólki var boðið upp á grill á útipallinum.
- Þrír súpufundir voru haldnir.
- Fimmtudagskaffi haldið tvisvar, hist í kaffistofunni til að spjalla og skiptist fólk á að koma með meðlæti með kaffinu.
- Jólaboð var 5. desember í Zontahúsinu við Aðalstræti 54.

Vormisseri 2026

- Fjórir súpufundir voru haldnir.
- AkAk bauð félögum sínum upp á vinnustofu um notkun gervigreindar í fræði- og ritstörfum þann 26. febrúar, leiðbeinandi var Magnús Smári Smáráson verkefnastjóri gervigreindar í HA, 10 félagar tóku þátt í vinnustofunni.
- Í nokkurn tíma var sú hugmynd búin að gerjast að aðilar hér í bænum sem vinna að menningarsögulegum verkefnum hefðu með sér vettvang til að ræða saman, það er AkureyrarAkademían, Amtsbókasafnið, Arfur Akureyrarbæjar, Héraðskjalasafnið og Sögufélag Eyfirðinga. Fyrsti fundur á þessum vettvangi var haldinn í nóvember 2025. Eftir það var hist fyrsta miðvikudag í hverjum mánuði, frá janúar - apríl, á Amtsbókasafninu, og er stefnt að því að taka þráðinn aftur upp næsta haust. Fulltrúar í stjórn AkAk og framkvæmdastjóri hafa sótt þessa fundi.
- Frambjóðendum stjórn mála flokkanna á Akureyri í bæjarstjórnarkosningunum 16. maí sl. var boðið í heimsókn þann 7. maí. Tilgangurinn var að kynna starfsemi AkAk og þýðingu hennar fyrir Akureyri/Norðurland. Langflestir flokkar þáðu boðið og sköpuðust gagnlegar samræður innanhúsfólks og frambjóðenda.

Húsfélagið í Sunnuhlíð 12

Heilsugæslan á Akureyri flutti í nýtt húsnæði í Sunnuhlíð 12 í febrúar 2024. Eftir er að ganga frá nýjum eignaskiptasamningi þeirra aðila sem eiga húsnæði í Sunnuhlíð (AkureyrarAkademían, Heimar, Samfylking og verslunin Rósin) og að gera upp ýmis mál sem tengjast framkvæmdunum í húsinu.

3. Miðlun upplýsinga

Markmið stefnu AkAk um miðlun upplýsinga er að efla fjölbreytta miðlun um starfið til að auka sýnileika í samfélaginu.

Gagnagrunnur um verkefni og viðburði

Í október 2021 kom út skýrsla sem Margrét Guðmundsdóttir, sagnfræðingur, tók saman í tilefni af 15 ára afmæli AkAk sem hefur að geyma skrá yfir verkefni sem fólk vann að hjá AkAk frá árinu 2006 og viðburði sem AkAk var með á sama tímabili. Skránum var komið fyrir í gagnagrunni á vefsíðu AkAk.

Í skýrslunni kemur fram að á tímabilinu frá 2006 og til 31. ágúst 2021 voru 97 einstaklingar með vinnuástöðu hjá AkAk, langflestir þeirra voru námsmenn og/eða kennarar við innlenda og erlenda háskóla og þar að auki margbreyttur hópur vísinda- og fræðimanna, listamanna og frumkvöðla sem flestir eru einyrkjar. Innanhúsfólk vann að fjölbreyttum hugðarefnum: lokaverkefnum í háskólanámi (grunn-, framhalds- og doktorsnám) á fjölda fræðasviða, greinum/köflum í tímaritum/bókum, ritverkum, sýningum, frumkvöðlaverkefnum, skýrslum og námsefni. Á sama tímabili stóð AkAk fyrir ríflega 150 viðburðum af margvíslegu tagi.

Eftir að skýrslan kom út hafa skrár um fjölda innanhúsfólks, verkefni og viðburði verið uppfærðar jöfnum höndum. Frá 31. ágúst 2021 og til ársloka 2025 voru 33 einstaklingar með vinnuástöðu hjá AkAk: frumkvöðlar, nemar við innlenda og erlenda háskóla, sjálfstætt starfandi og þeir sem sinntu óstaðbundnum verkefnum/störfum. Unnið var að fjölbreyttum verkefnum: Lokaverkefnum í háskólanámi, skýrslum/umsögnum, greinum/köflum í tímaritum/bókum, ritverkum og frumkvöðlaverkefnum. Þar að auki voru 12 aðrir einstaklingar með aðstöðu hjá AkAk á þessu tímabili en þeir eru ekki taldir með því þeir eru á nafnalistanum sem Margrét Guðmundsdóttir tók saman (hver einstaklingur er aðeins talinn einu sinni). Frá 6. október 2021 og til ársloka 2025 stóð AkAk einnig fyrir tæplega 80 viðburðum af margvíslegu tagi.

Í tilefni af 20 ára afmæli AkAk á árinu 2026 er stefnt að því að gefa út nýja skýrslu um fjölda innanhúsfólks, verkefni og viðburði sem nær yfir tímann frá því að skýrsla Margrétar Guðmundsdóttur kom út og fram á árið 2026.

Fréttabréf

Á starfsárinu komu út samkvæmt áætlun fimm fréttabréf en þau hófu göngu sína í nóvember 2020. Tilgangur fréttabréfanna er að miðla upplýsingum til félaga og samstarfsaðila um það helsta sem er efst á baugi í starfinu hverju sinn hjá AkAk og að styrkja gagnkvæm tengsl og samskipti.

4. Ytra samstarf

Markmið stefnu AkAk um ytra samstarf er að skapa brú milli fræða og samfélags með samstarfi við almenning, fyrirtæki, stofnanir og opinbera aðila.

Akureyrarbær

Akureyrarbær og AkAk endurnýjuðu samstarfssamning sinn í maí 2024 til næstu þriggja ára sem felur í sér stuðning við frumkvöðlastarf með því að bjóða tveimur einstaklingum sem vinna að þróun nýsköpunar- og frumkvöðlaverkefna upp á vinnuáðstöðu í húsnæði AkAk sem Akureyrarbær greiðir fyrir. Úthlutunartímabil eru tvö á hverju ári, annars vegar frá 1. mars – 31. ágúst og hins vegar frá 1. september – 28. febrúar og er auglýst eftir umsóknum í janúar/febrúar vegna fyrra tímabilsins og í ágúst vegna þess síðara. Við mat á umsóknum skal m.a. taka mið af eftirfarandi þáttum:

- a) Nýsköpunargildi þeirra hugmynda sem felast í því verkefni sem umsækjendur ætla að vinna að.
- b) Að öðru jöfnu skal miða við að hugmynd og/eða viðskiptaáætlun sé í þróun og að eiginleg starfsemi sé ekki hafin. Gæta skal þess að verkefni umsækjanda sé ekki í samkeppni við starfsemi sem fyrir er á markaði.
- c) Að verkefni umsækjanda falli vel að því starfi sem fyrir er hjá AkureyrarAkademíunni.

Þó að vinnuþrássinn gangi ekki út þá greiðir Akureyrarbær samt sem áður fyrir þau, og eru greiðslur gerðar upp tvisvar á ári. Frá hausti 2021 og til ársloka 2025 hafa 12 frumkvöðlar haft aðsetur hjá AkAk og unnið að fjölbreyttum verkefnum:

- Hugbúnaðarlausnum á netinu fyrir fyrirtæki,
- Dans- og hreyfimeðferð sem meðferðaráætlun fyrir félagslega heilsu á Íslandi,
- Varðveislu sagnaarfs um álfa og huldufólk á Akureyri/Eyjafirði,
- Uppbyggingu hátæknigróðurhúss,
- Kynningar- og fræðsluefni um tegundir og táknafræði blóma í menningar- og sögulegu samhengi,
- Uppbyggingu núvitundarseturs,
- Uppbyggingu hreinlætisaðstöðu á ferðamannastöðum,
- Gerð sjónvarpsþátta um óbyggðir á Íslandi,
- Undirbúningi að Sjávarlífssafni á Akureyri og gerð sýningar um sjávarlíf,
- Undirbúningi að leiklistarskóla á Akureyri fyrir aldurinn 16 - 23ja ára og leiklistarnámskeiði fyrir fólk á aldrinum 67 ára og eldri,
- Gagnvirkt efni um merka staði á Akureyri,
- Fræðslu- og kynningarefni fyrir starfsfólk grunn- og framhaldsskóla um einhverfu og aðrar raskanir.

Háskólinn á Akureyri

- Samkvæmt samstarfsamningi aðila veitir AkAk árlega upplýsingar um innanhúsfólk með það fyrir augum að HA geti leitað til þeirra um að taka að sér kennslu eða önnur verkefni. Á listanum eru hverju sinni þeir sem hafa samþykkt að veita HA upplýsingar um helstu atriði varðandi menntun sína og feril
- Rektor HA, forsetar fræðasviða og tengiliður HA við AkAk komu í heimsókn til AkAk 29. október, stjórn AkAk kynnti starfsemi stofnunarinnar og rætt var um aðferðir til að víkka út samstarf HA og AkAk, s.s. með árlegum viðburðum, að auka samtal AkAk við fræðasvið og deildir í HA og koma á formlegum farvegi í HA fyrir auglýsingar á viðburðum á vegum AkAk.
- Stjórn AkAk kynnti Akademíuna á stjórnarfundum fræðasviða HA og á deildarfundum á haust- og vormisseri.
- AkAk og Auðlindadeild HA stóðu saman að málþingi um náttúru og auðlindanýtingu á Norðurlandi, 30. apríl í HA. Fimm fræðimenn héldu erindi um þema málþingsins, tveir frá Auðlindadeild og þrír frá AkAk:
 - ✓ Hreiðar Þór Valtýsson, dósent við Auðlindadeild Háskólans á Akureyri: *Fiskveiðar frá Norðurlandi í 125 ár.*
 - ✓ Jón Örn Pálsson, sjávarútvegsfræðingur, sjálfstætt starfandi hjá AkureyrarAkademíunni: *Ný auðlindanýting á strandsvæðum Íslands.*
 - ✓ Rannveig Björnsdóttir, prófessor við Auðlindadeild Háskólans á Akureyri: *Verðmætasköpun úr blóði eldisfisks.*
 - ✓ Þórhallur S. Bjarnason, véla- og orkutækni-fræðingur, sjálfstætt starfandi hjá AkureyrarAkademíunni: *Vistvænn orkuberi úr hreinum auðlindum.*
 - ✓ Rán Þórarinsdóttir, líffræðingur á sviði dýravistfræði hjá Náttúrustofu Norðausturlands og með aðsetur hjá AkureyrarAkademíunni: *Að meta áhrif vindorkuvera á fugla.*

ReykjavíkúAkademían

- Sameiginlegur póstlisti akademíanna var notaður eins og áður til að miðla ýmsum upplýsingum og fréttum.

Viðburðir

Málþing í samstarfi AkAk, Háskólans á Akureyri og ReykjavíkurAkademíunnar: *Starfshættir við lagagerð á Alþingi – myndir og raunmyndir*, í HA, 14. nóvember 2025.

Tilfni málþingsins voru átök og atburðir við meðferð frumvarpa á Alþingi vorið 2025 en sjónarhornið var þó almennara og víðfeðmara, – eða framkvæmdin við lagagerðina sjálfa, sem bæði byggir á faglegum forsendum og stjórnmalabaráttu. Áhersla var lögð á málsmeðferð frumvarpa, gæði lagasetningar og skipulag starfa. Eftirtalin voru með framsögur:

- Þórunn Sveinbjarnardóttir, forseti Alþingis: *Um tilfni og áherslur málþingsins*.
- Dr. Davíð Þór Björgvinsson, prófessor við Háskólann á Akureyri, og deildarforseti við Lagadeild: *Alþingi og lagagerð*.
- Dr. Haukur Arnþórsson, sjálfstætt starfandi fræðimaður við ReykjavíkurAkademíuna: *Fræðilegt og almennt yfirlit um störf Alþingis*.
- Halla Hrund Logadóttir, alþingismaður: *Starfshættir Alþingis frá sjónarhóli nýs þingmanns*.

Eftir framsögur fóru fram pallborðsumræður. Um 30 gestir sóttu málþingið.

Fortíðin í nýju ljósi. Fimmtudagsfyrirlestrar á Minjasafninu á Akureyri í samstarfi AkAk, Minjasafnsins og Sagnfræðingafélags Íslands. Haldnir voru sex fyrirlestrar í febrúar og mars 2026:

- Dr. Guðni Th. Jóhannesson, prófessor í sagnfræði við Háskóla Íslands: *Othello-slagurinn á Akureyri og aðrar þorskastríðssögur sem læra má af ef vilji er fyrir hendi*.
- Óskar Þór Halldórsson, blaðamaður og rithöfundur og dr. Friðbjörn Sigurðsson, læknir: *Akureyrarveikin og ME-sjúkdómurinn*.
- Gunnar V. Andrússon, fréttaljósmyndari og Sigmundur Ernir Rúnarsson, alþingismaður og fyrrverandi fréttamaður: *Spegill þjóðar - fréttamyndir í 50 ár og sagan á bakvið þær*. Samhliða var opnuð sýning á Minjasafninu á fréttaljósmyndum Gunnars.
- Ragnhildur Björt Björnsdóttir, sagnfræðingur: *Ilmur, angan og fnykur: Ýmis lykt í íslenskum heimildum frá 19. og 20. öld*.
- Dr. Erla Hulda Halldórsdóttir, prófessor í sagnfræði við Háskóla Íslands: *Strá fyrir straumi. Ævi Sigríðar Pálsdóttur (1809–1871) og brotakenndar heimildir*.
- Kjartan Ísleifsson, sagnfræðingur: *Skreytingar í handritum síðari alda og þáttur af einum norðlenskum listaskrifara*.

Stefnt er að því að gera fimmtudagsfyrirlestra í febrúar og mars að árvissum viðburði. Ríflega 400 gestir sóttu fyrirlestrana.

Fyrirlestrar fyrir íbúa hjúkrunarheimilanna og aðra bæjarbúa

Frá árinu 2016 hefur verið samstarf milli AkAk og öldrunarheimila Akureyrar, og nú hjúkrunarheimila Heilsuverndar, sem felur í sér að bjóða íbúum heimilanna upp á fræðandi og aðgengilega fyrirlestra um

fjölbreytt viðfangsefni sem eru líka opnir fyrir aðra bæjarbúa, og eru þeir haldnir til skiptis á Hlíð og Lögmannshlíð. AkAk leitar bæði til félaga sinna um tillögur að fyrirlestrum og til einstaklinga utan hópsins. Á starfsárinu voru eftirfarandi viðburðir haldnir á hjúkrunarheimilunum:

Haustmisseri 2025

- Þorgerður Anna Björnsdóttir, kínverskufraeðingur: *Skyggst í menningarheim Kína*.
- Jón Hjaltason, sagnfræðingur: *Sambúðarsaga hjónanna Sveins Þórarinssonar og Sigríðar Jónsdóttur, foreldra Jóns Sveinssonar – „Nonna“*.
- Heiða Björk Villhjálmisdóttir, verkefnastjóri fræðslu og miðlunar hjá Listasafninu á Akureyri: *Margskonar myndlist*. Umfjöllun um valin listaverk í eigu safnsins.

Vormisseri 2026

- Benedikt Sigurðarson, fyrrverandi skólastjóri, háskólakennari og framkvæmdastjóri: *Laxárdeilan 1968 til 1974*. Um samhengi Laxárvirkjana og átaka sem risu um áformað rask með vatnaflutningum úr Skjálfandafljóti. Menningarsjóður Akureyrarbæjar styrkti viðburðinn.
- Óskar Þór Halldórsson, blaðamaður og rithöfundur: *Helena og hvítu mávarnir*. Dagskrá um Helenu Eyjólfsdóttur söngkonu og söngferil hennar. Menningarsjóður Akureyrarbæjar styrkti viðburðinn.

Um 180 gestir sóttu viðburðina.

Bakarís-fyrirlestrar

Bakarís-fyrirlestrarnir eru samstarfsverkefni AkAk og Brauðgerðarhúss Akureyrar í Sunnuhlíð 12. Markmið þeirra er að fólk sem hefur unnið að verkefnum hjá AkAk hafi vettvang til að kynna þau, bjóða upp á viðburði í Sunnuhlíð og gefa bæjarbúum tækifæri til að fræðast og spjalla um fjölbreytt viðfangsefni. Tveir bakarís-fyrirlestrar voru haldnir á starfsárinu:

- Dr. Skafti Ingimarsson, sagnfræðingur: *Rauði bærinn á Norðurlandi*. Um stjórnámálamanninn Einar Olgeirsson (1902 – 1993), og þátttöku hans í verkalýðs- og stjórnmalabaráttunni á Akureyri á millistríðsárum 20. aldar. Erindið byggði á nýrri bók Skafta: *Nú blakta rauðir fánar: saga kommúnista- og sósíalístahreyfingarinnar á Íslandi 1918–1968* sem er að stofni til doktorsritgerð hans sem hann varði við Háskóla Íslands vorið 2018.
- Dr. Sara Stefánsdóttir, iðjuþjálfari og lektor við heilbrigðis-, viðskipta- og raunvísindasvið Háskólans á Akureyri: *Það þarf þorp: Seinþærir foreldrar og glíman við kerfið*. Kynning á doktorsrannsókn í fötlunarfræði sem hún varði vorið 2025 við Félagsfræði-, mannfræði- og þjóðfræðideild Háskóla Íslands.

Um 40 gestir sóttu viðburðina.